

खबरां

1. सरकार नै खरीफ सीजन 2026 आस्तै फास्फेरिक ते पौटैशियम युक्त हैलें पर पोषक तत्व आधारित सब्सिडी दरें दी मंजूरी दिती ऐ।
2. पच्छिम एशिया संघर्ष बश्कार सरकार नै आखेआ ऐ जे देश भरै दी खदानें ते बिजली संयंत्रें च कोयला दा पर्याप्त भंडार ऐ।
3. विदेश मंत्री एस. जशंकर होरें बंगलादेश दे विदेश मंत्री खलीलुर रहमान कन्नै अज्ज मलाटी कीती ते नमीं दिल्ली च बांगलादेश प्रतिनिधिमंडल दी मेजबानी कीती।
4. भारत नै अमरीका ते ईरान बश्कार लड़ाईबंदी दा स्वागत कीता ऐ-आखेआ इस कन्नै पच्छिम एशिया च स्थाई शांति होग।
5. आर.बी.आई नै रेपो दरें च कोई बदलाव नेई कीता ऐ। मौजूदा माली बरें च भारत दी जीडीपी 6 इशारिया 9 प्रतिशत रौहने दा अनुमान ऐ।
6. उच्च स्तरीय प्रतिनिधिमंडल नै 2010 राष्ट्रमंडल खेड्डें दी मेजबानी आस्तै राज्य दी तैयारिणं दा निरीक्षण ते जायजा लैने आस्तै गुजरात दा दौरा कीता।

<><><><><><>

Cabinet-Decision

सरकार नै अज्ज खरीफ सीजन 2026 आस्तै फास्फेट ते पोटैशियम युक्त हैलें पर पोषक तत्व आधारित सब्सिडी गी मंजूरी दिती ऐ। नमीं दिल्ली च पत्रकारें गी संबोधित करदे होई सूचना ते प्रसारण मंत्री अश्विनी वैशणव होरें दस्सेआ जे खरीफ सीजन 2026 आस्तै अनुमानित बजट दी लोड, तकीबन 41 ज्हार 534 करोड होग। उनें आखेआ जे इस फैसले कन्नै करसानें गी रियासती, किफायती ते उचित भाएं पर हैल उपलब्ध होग। सरकार नै प्रह्लादपुरा थमां तोड़ी मोड तगर 41 किलेमीटर लम्मी जयपुर मैट्रो दे दुए चरण गी बी मंजूरी देई दिती ऐ। श्री वैशणव होरें दस्सेआ जे इस परियोजना च 36 स्टेशन होंगन ते 13 ज्हार करोड रपे दा खर्च औग। इस परियोजना गी राजस्थान मैट्रो रेल निगम लिमिटेड आसेआ लागू कीता जाहग ते एहू भारत ते राजस्थान सरकार दा सांझा उद्यम होग।

<><><><><><>

Inter Ministerial Briefing

सरकार नै अज्ज जोर दिता ऐ जे पच्छिम एशिया संघर्ष दे बावजूद देश भरै दे खदानें ते बिजली संयंत्रें पर कोयले दा सुद्दी मात्तरा च भंडार उपलब्ध ऐ। नमीं दिल्ली च पच्छिम एशिया च हाल दी घटनाएं पर अंतर मंत्रालय गल्लबात गी संबोधित करदे होई कोयला मंत्रालय दे संयुक्त सचिव संजीव कुमार कस्सी होरें आखेआ जे कीमते च कोई बाह्वा नेई होआ ऐ। उनें अगगे आखेआ जे कोयला क्षेत्र दे सक्रिय दृष्टिकोण ते समें पर कीती गेदी कार्रवाई करी पच्छिम एशिया संकट दे संकेत मिलने थमां पैहले गै कोयले दा पर्याप्त भंडार किट्टा करी लैता गेदा हा। श्री कस्सी होरें दस्सेआ जे मंत्रालय नै कोयला कंपनियें गी कोयले दे पर्याप्त आपूर्ति सुनिश्चित करने गी आखेआ ऐ।

<><><><><><>

Jaishankar Bangladesh Delegation

विदेश मंत्री डॉ. एस जयशंकर होरें बांगलादेश दे विदेश मंत्री खलीलुर रहमान हुंदे कन्नै अज्ज दपैहरी नमीं दिल्ली च मलाटी कीती। इक सोशल मीडिया पोस्ट च डॉ. जयशंकर होरें दस्सेआ जे बैठक दरान दौनें देशें बश्कार दपक्खिया सरबंधें गी बक्ख-बक्ख पैहलुएं पर मजबूत करने पर चर्चा होई। उनें अगगे जोडेआ जे दौनें मुखें क्षेत्रीय ते वैश्विक घटनाक्रम पर बी विचार सांझा कीते ते भविष्य च बी संपर्क च रौहने पर सहमति प्रगट कीती।

<><><><><><>

India-Ceasefire

भारत नै अमरीका ते ईरान दे बश्कार होई दी लड़ाईबंदी दा सोआगत कीता ऐ। विदेश मंत्रालय नै इक बयान च मेद दस्सी ऐ जे इस कन्नै पच्छिम एशिया च स्थाई शांति होग ते स्ट्रेट ऑफ होमूर्ज जलमार्ग बिना रोक टोक दे चलादा रौहगा। मंत्रालय नै आखेआ ऐ जे भारत नै लगातार तनाव घट्ट करने, गल्लबात ते कूटनीति दा समर्थन कीता ऐ जेड़ा मौजूदा संघर्ष गी खत्म करने आस्तै लाजमी ऐ। मंत्रालय नै अगगे आखेआ जे संघर्ष नै पैहलें गै लोकें गी भारी पीड दितती ऐ ते वैश्विक उर्जा आपूर्ति ते बपार नेटवर्क गी प्रभावित कीता ऐ। तोआई, ईरान च तेजी कन्नै बदलदी स्थिति गी दिखदे होई ईरान स्थित भारती दूतावास नै ईरान च मौजूदा भारती नागरिकें गी दूतावास कन्नै समन्वय ते दूतावास आसेआ सुझाए गेदे रस्तें दा इस्तेमाल करियै तौले ईरान छोड़ने दी सलाह दित्ती ऐ। सलाह च आखेआ गेआ ऐ जे दूतावास दी सलाह ते समन्वय विजन कुसै बी अंतरराष्ट्री बन्ने दे नेडे जानेदी कोशिश नेई कीती जा। भारती नागरिकें गी अधिकारिक अपडेट पर बरीबी कन्नै नजर रखने दा अनुरोध कीता गेआ ऐ।

<><><><><><>

West-Asia Update

ईरान ते अमरीका बश्कार दो हफ्तें दी लड़ाईबंदी दी घेशणा दे किश घैंटें मगरा दक्खनी ईरान दे लावन रिफाइनरी च विफोटें दी खबर मिली ऐ। ईरानी समाचार एजेंसी नै दस्सेआ ऐ जे दमकल कर्मी अगग पर काबू पाने आस्तै कम्म पर लगगे दे ना। तोआई प्रशासन गी अजें पंछान नेई होई ऐ जे इस हमले पिच्छे कोहदा हत्थ ऐ। एह घटना उसलै होई जिसलै इक बड्डी राजनयिक घटना अमरीका ते ईरान नै दो हफ्तें आस्तै सिद्धे सैनिक लड़ाई पर रोक लाने पर सैहमति दस्सी ही। इस युद्ध विराम च स्ट्रेट ऑफ होमूर्ज जलमार्ग गी वैश्विक ज्हाजें दी आओजाई खोलने पर बी सैहमति बनी ही।

<><><><><><>

Polling

केरलम दी सबनें 140 सीटें, असम दी 126 ते पुदुचेरी दी 30 सीटें पर इक गेड़ च कल वोट पोआए जांगन। स्वतंत्र निरपक्ख ते शांतिपूर्ण चुनाएं आस्तै प्रशासन नै सुरक्षा गी होर निगगर करी दित्ता ऐ। सबनें मतदान केंद्रें ते सरबंधित केंद्र पर दिशा-निर्देशें दा सख्ती कन्नै पालन करने आस्तै व्यापक बंदोबस्त कीते गे ना।

<><><><><><>

Nomination Last Day

पच्छिम बंगाल च असेंबली चुनाएं दे दुए ते अखीरी गेड़ आस्तै नामांकन पत्र भरने दी कल अखीरी ध्याडा ऐ। त्रिणमूल कांग्रेस दी सुप्रीमो ममता बनर्जी होर कल अपना नामांकन पत्र भरंगन। तोआई चुनांS आयोग नै अज्ज भरोसा दोआया ऐ जे पच्छिम बंगाल च चुनां कुसै बी चाल्ली दे डर, हिंसा, धमकी, बूथ पर कब्जे ज्नेही घटनाएं दे विजन होंगन। कमिशन नै त्रिणमूल कांग्रेस दे शिष्टमंडल कन्नै मीटिंग दे मगरा इक सोशल मीडिया पोस्ट राहें इयां आखेआ ऐ। इस थमां पैहले त्रिणमूल कांग्रेस दे इक शिष्टमंडल जेदे च सीनियर नेता डैरेक ओब्रैन, सगरिका घोश, साकेत गोखले ते मेनका गुरूस्वामी शामिल हे, नै इक कमिशन गी इक मेमोरंडम सौंपेआ जेदे च पच्छिम बंगाल चुनां प्रक्रिया च निपाक्खता ते पारदर्शिता जनेह मुद्दे पुट्टे गेदे हे।

<><><><><><>

Tripura-By Election

त्रिपुरा च धर्मनगर विधानसभा उपचुनाव आस्तै मतदान कल बडलै 7:00 बजे थवा संजा 5:00 बजे तकर होग। चुनाव अधिकारियें दस्सेआ ऐ जे आजाद, निरपक्ख ते शांतिपूर्ण मतदान सुनिश्चित करने आस्तै सारे लोडचदे इन्तजाम कीते गेदे ना। निर्वाचन अधिकारी देबजानी चौधरी होरें दस्सेआ ऐ जे अज्ज मतदान कर्मी जरूरी चुनाव सामग्री लेईऐ सखत सुरक्षा व्यवस्था तैहत अपने निर्धारित मतदान केंद्रें पर पुज्जी चुके दे ना। पूरे क्षेत्र च कनून व्यवस्था गी मजबूत कीता गया ऐ ते संवेदनशील क्षेत्रें च नियमित गश्त जारी ऐ। कुल 55 मतदान केंद्रें चा 11 गी आदर्श मतदान केंद्र दे तौर पर नामित कीता गया ऐ, जिनदा प्रबंधन पूरी चाल्ली कन्नै महिलाएं आस्सेआ कीता जागा।

<><><><><><>

RBI

भारती रिजर्व बैंक नै व्याज दी दरें गी बिना बदलाव दे 5 इशारिया 25 प्रतिशत पर रखेआ ऐ। चालू वित्त बरे दी पैहली दोमाही मौद्रिक नीति दी घोशणा करदे होई आरबीआई दे गवर्नर संजय मल्होत्रा होरें आखेआ जे मौद्रिक नीति कमेटी नै सभनें दी सहमति कन्नै रेपो रेट गी 5 अशारिया 25 प्रतिशत बनाए रखने दा फैसला कीता ऐ।

<><><><><><>

Gujrat Common Wealth

राश्ट्रमंडल खेडू महासंघ दा इक उच्च स्तरीय प्रतिनिधिमंडल अज्ज गुजरात दे 4 दिनें दे दौरें पर ऐ। इस दौरें दा उद्देश्य 2030 दे राश्ट्रमंडल खेडू दे मेजबानी आस्तै राज्य दी तैयारिणं दा जायजा लैना ऐ। गांधीनगर च मुखमंत्री भूपेंद्र पटेल हुंदे कन्नै मलाटी मगरा एह दौरा अज्ज थमां शुरू होआ। प्रतिनिधिमंडल वीर सावरकर खेडू परिसर ते अहमदाबा स्थित नरेंद्र मोदी स्टेडियम सने प्रमुख खेडू थाहरें दा दौरा करोग।

<><><><><><>

LG-employee Sacked

उपराज्यपाल मनोज सिन्हा होरें आतंकवादी संगठन लश्कर-ए-तायबा ते हिज्बुल मुजाहिदीन कन्नै सरबंध होने दे चलदे 2 सरकारी कर्मचारी गी मुअत्तल करी दिता ऐ। आकाशवाणी जम्मू दे संवाददाता दी रिपोर्ट मूजब इनें कर्मचारिणं चा इक फरहत अली खांडे रामबन च शिक्षा मैहकमे च क्लास4 कर्मचारी हा। एह हिज्बुल मुजाहिदीन लेई कम्म करदा हा ते आतंकवादी नेटवर्क गी परतिए बनाने ते आतंकवादिणं दे परौआर आहलें च फंड तकसीम करदा हा जिसलै कि बांडीपोरा दा रौहने आहला मोहम्मद शफी ग्रामीण विकास मैहकमे च कम्म करदा हा ते लश्कर-ए-तैयबा दे आतंकवादिणं गी रिहायश ते होर दुआ समेयान उपलब्ध करोआंदा हा। उसी अप्रैल 2025 च असला बरूद कन्नै फगडेआ गोआ हा। एह कार्रवाई प्रशासन दी आतंकवाद गी दना बी नेई बर्दाश्त करने आहली नीति दे तैहत कीती गेई ऐ।

<><><><><><>

Prez. JK Youth

जम्मू-कश्मीर थमां गेदे युवाणं दे इक प्रतिनिधिमंडल नै राश्ट्रपति भवन च राश्ट्रपति राजधानी च वतन को जानो प्रोग्राम तैहत गेदे हे। एहदा सरिस्ता गृह मंत्रालय आसेआ कीता गेदा हा। गल्लबात दरान राश्ट्रपति होरें युवाणं गी राश्ट्र निर्माण च योगदान देने लेई प्रेरित कीता ते मुख दी समृद्ध ते सगोसार रिवायत ते बन सबन्नता थमां प्रेरणा लैने लेई आखेआ। राश्ट्रपति होरें जन्न दी सराहना कीती ते आखेआ जे एहदे राणं युवाणं गी मुख दे बक्ख-बक्ख हिस्सें गी दिक्खदे दा मौका थहोंदा ऐ।

<><><><><><>

Badminton

चीन च एशिया बैडमिंटन चैम्पियनशिप च आयुष शेट्टी नै शानदार प्रदर्शन करदे होई अज्ज पैहले दौर च विश्व दे 7में नम्बर दे खडारी ली शी फेंग गी लगातार सेटे च 21-13, 21-16 कन्नै हराया ऐ। एह मैच 50 मिनट था मते चिर तगर चलेआ। शेट्टी दा अगला मुकाबला ताइवान दे खडारी ची यू जेन कन्नै होगा।

<><><><><><>

Jaishankar-Visit

विदेश मंत्री डॉ. एस जयशंकर होर कल्लै थमां मारीशस ते संयुक्त अरब अमीरात दी आधिकारिक यात्रा आस्तै रवाना होंगन। अपनी यात्रा दे पैहले पड़ास पर डॉ. जयशंकर होर मारीशस च 9मीं भारती हिंदमासागर सम्मेलन च हिस्सा लैगन। अपनी यात्रा दरान विदेश मंत्री होर मारीशस दे नेताणं कन्नै मलाटी करंगन ते दपक्खिया रिशतें दे सबनें पैहलुणं दी समीक्षा करंगन। ओह 9मीं भारती हिंद महासागर सम्मेलन च कुंजीमाशम संबोधन बी करंगन। सम्मेलन दरान डॉ. जयशंकर हुंदे शामिल मुखें दे विदेश मंत्रियें कन्नै मिलने दी बी मेद ऐ। अपनी यात्रा दे दुए पड़ा च विदेश मंत्री होर इस म्हीने दी 11 ते 12 तरीक गी संयुक्त अरब अमीरात दी यात्रा करंगन।

<><><><><><>